

MINIT MESYUARAT BIL.4
CITP THRUST WORKING GROUP ON PRODUCTIVITY
(CITP-TWG3/P)

Tarikh : 06 Mac 2018 (Selasa)
Masa : 2.30 petang – 4:45 petang
Tempat : Bilik Lembaga, Ibu Pejabat CIDB
Tingkat 25, PWTC
Jalan Tun Ismail
50480 Kuala Lumpur

Pengerusi : Y.Bhg. Dato' Sr. Srikandan Kanagaintiram

KEHADIRAN

Seperti di Lampiran A.

1.0 UCAPAN ALUAN PENERUSI

- 1.1. Dato' Pengerusi mengucapkan selamat datang dan terima kasih kepada semua Ahli Jawatankuasa, Penaja Teras, Pemilik Inisiatif dan Sekretariat yang hadir. Pengerusi juga memperkenalkan Encik Megat Kamil Azmi Megat Rus Kamarani Penaja Teras yang baru bagi menggantikan Encik Mohd Nazli Ahmad Mahyadin yang telah bersara.

Tindakan : Makluman

2.0 PENGESAHAN MINIT MESYUARAT

- 2.1 YBhg. Dato' Ir. Ahmad 'Asri Abdul Hamid mencadangkan Minit Mesyuarat CITP-TWG3 Bil.3 disahkan dan disokong oleh YBhg. Dato' Massuan Ahamad

Tindakan : Makluman

3.0 MAKLUMBALAS PERKARA-PERKARA BERBANGKIT MINIT MESYUARAT CITP-TWG3/P BIL.3

- 3.1 Perkara 3.3.1 – Jalinan Kerjasama Latihan Kemahiran CIDB Dengan CIC Hong Kong.

- 3.1.1 Timbalan Pengerusi mencadangkan supaya Korea dijadikan penanda aras bagi kerjasama latihan kerana mereka merupakan antara negara pengeksport perkhidmatan. Pihak CIDB diminta membuat kerjasama awal dan disusuli dengan lawatan dari pihak Menteri ke Korea.

Tindakan : CITP-IWG8/P1

3.2 Perkara 3.3.2 – Nisbah Keperluan Pekerja Tempatan Berbanding Pekerja Asing Sektor Pembinaan

- 3.2.2 CIDB sentiasa mempromosikan penggunaan Sistem IBS termasuklah kaedah sistem *steel structure*. Cadangan insentif-insentif dari pihak industri tersebut sedang dianalisa oleh CIDB melalui "Kajian Pemberian Insentif Bagi Peningkatan Produktiviti Melalui Penggunaan IBS" dan dijangka siap pada June 2018. Dasar berkaitan penguatkuasaan penggunaan IBS pada 2020 telah dibentangkan di peringkat HLC, namun demikian pengerusi meminta supaya perkara ini dibincangkan juga di peringkat TWG3.

Tindakan : CITP-IWG10/P3

- 3.2.3 Pn. Najihah juga memaklumkan kepada ahli mesyuarat bahawa kerajaan melalui MIDA telah menyediakan pelbagai insentif bagi membantu pengilang meningkatkan produktiviti antaranya ialah dengan memperkenalkan elaun modal automasi dimana jika pengilang membuat pelaburan untuk pembelian mesin untuk meningkatkan produktiviti, mereka boleh memohon untuk mendapatkan 200% elaun modal automasi. Insentif ini termasuk pengilang IBS iaitu di bawah kategori 2. Pengerusi meminta supaya semua insentif daripada MIDA berkaitan pembinaan diagihkan kepada ahli TWG3.

Tindakan : CITP-IWG10/P3

3.3 Perkara 3.4.2 – *Baseline Study* berkaitan Pembangunan Usahawan Bumiputera

- 3.4.2 Kajian berkaitan Pembangunan Usahawan Bumiputera telah siap dan akan dibentangkan dalam IWG 14 pada 12 Mac 2018. Kajian ini juga akan dibentangkan di peringkat KSU sebelum dibawa ke Jawatankuasa Menteri. Ahli mesyuarat juga dimaklumkan bahawa pindaan terhadap KPI sedia ada adalah berdasarkan penemuah hasil kajian tersebut. Pengerusi meminta supaya laporan kajian

tersebut dibuat edaran kepada semua ahli TWG3 sebagai makluman.

Tindakan : CITP-IWG14/P6

4.0 PEMBENTANGAN PRESTASI CITP

4.1 Pembentangan Prestasi CITP Q4 2017 dan KPI Teras

4.1.1 Panaja Teras TWG3 membentangkan pencapaian keseluruhan CITP sehingga Q4 2017

- i. Pencapaian ST3 ialah 50.32% berbanding sasaran yang ditetapkan iaitu 50.80%.
- ii. Pencapaian ST1 ialah 42.28% berbanding sasaran yang ditetapkan iaitu 42.97%.
- iii. Pencapaian ST2 ialah 38.60% berbanding sasaran yang ditetapkan iaitu 39.00%.
- iv. Pencapaian ST4 ialah 24.90% berbanding sasaran yang ditetapkan iaitu 25.80%.

Pengerusi mengucapkan tahniah dan terima kasih kepada semua ahli mesyuarat di atas pencapaian ST3 sebanyak 50.80% kerana telah berjaya mendahului ST yang lain.

Tindakan : Makluman

4.1.2 En Megat Kamil Azmi Megat Rus Kamarani selaku Penaja Teras TWG3 membentangkan pencapaian KPI Teras 3 iaitu (*More Than Doubling Productivity, Match By Higher Wages. 2.5 x Increase In Productivity To US\$16,500 Per Worker*). Mengikut Laporan Tahunan dari Jabatan Statistik Malaysia pada tahun 2017 berlaku peningkatan produktiviti buruh sebanyak 2.2% (RM40,105) berbanding tahun 2016 (RM39,225). Secara purata produktiviti buruh untuk sektor pembinaan dari tahun 2010 hingga tahun 2017 ialah sebanyak 7.72%. Pada tahun 2020 nilai produktiviti yang perlu dicapai ialah RM65,000 dimana bagi tempoh 3 tahun purata pertumbuhan yang perlu dicapai ialah sebanyak 18%.

Penaja Teras juga memaklumkan Pengiraan Produktiviti ialah seperti berikut;

$$\text{Produktiviti} = \frac{\text{Construction GDP Output}}{\text{Total Employment In Construction Activity}}$$

YBhg. Dato' Abdul Latif Haji Abu Seman meyarankan supaya CIDB, MPC dan DOSM berbincang keperluan data bagi mencapai KPI ini.

Tindakan : Teras Sponsor

4.2 Pembentangan Dan Perbincangan Prestasi Inisiatif Oleh Pemilik IWG Di Bawah TWG3/P

4.2.1 KPI Inisiatif P1 (*Continue Investment In Human Capital Development In Construction*)

- a) Ir. Raslim Salleh , selaku Pemilik (*Owner*) CITP-IWG8/P1 membentangkan status pencapaian KPI Inisiatif sehingga Q4 2017.

Tindakan : Makluman

- b) Ahli mesyuarat mencadangkan supaya KPI P1-054 berkaitan Pusat Penilaian Luar Negara bagi membuat penilaian kepada pekerja asing dikaji semula kerana pencapaian yang dicapai 30 pusat terlalu tinggi berbanding sasaran yang ditetapkan iaitu 2 pusat sahaja. Pengerusi juga berpendapat perkara ini perlu dibuat hebahan kepada industri kerana pihak industri masih belum mengetahui tentang perkara ini.

Tindakan : CITP-IWG8/P1

4.2.2 KPI Inisiatif P2 (*Enhance Control and Balance of Workforce Supply*)

- a) Encik Abd Jaiz Abd Aziz , selaku Pemilik (*Owner*) CITP-IWG9/P2 membentangkan status pencapaian KPI Inisiatif sehingga Q4 2017.

Tindakan : Makluman

- b) Encik Abd Jaiz Abd Aziz juga memaklumkan kepada ahli mesyuarat bahawa Laporan Keperluan Tenaga Kerja Sektor Pembinaan telah siap dan edaran akan dibuat kepada ahli TWG3.

Tindakan : CITP-IWG9/P2

4.2.3 KPI Inisiatif P3 (*Accelerate Adoption of IBS, Mechanisation And Modern Practices*)

- a) En. Ahmad Farrin Mokhtar selaku selaku Pemilik (*Owner*) bagi CITP-IWG10/P3 membentangkan status pencapaian KPI Inisiatif sehingga Q4 2017.

Tindakan : Makluman

- b) En. Ahmad Farrin Mokhtar memaklumkan buat masa ini cuma DBKL dan Putrajaya Corporation sahaja yang telah bersetuju melaksanakan IBS.

Tindakan : Makluman

4.2.4 KPI Inisiatif P4a & P4b (*Roll Out Technology Advantage Across Project Life Cycle - BIM*)

- a) Tn.Haji Razuki Ibrahim selaku Pemilik (*Owner*) bagi CITP-IWG11/P4a & P4b membentangkan status pencapaian KPI Inisiatif sehingga Q4 2017.

Tindakan : Makluman

- b) Pengerusi mencadangkan supaya latihan bagi *BIM Coordinator* dan *BIM Manager* dibuat penambahbaikan kerana mereka menyediakan khidmat perunding kepada pelbagai jenis projek dalam industri pembinaan.

Tindakan : CITP-IWG11/P4a & P4b

- c) Pengerusi memaklumkan di luar negara *BIM Coordinator* dan *BIM Manager* telah mengamalkan khidmat perundingan BIM. Sehubungan dengan itu, pengerusi mencadangkan supaya kerjasama dibuat dengan pengamal BIM di negara ini untuk memastikan ia dapat dilaksanakan dengan berkesan dan meningkatkan produktiviti.

Tindakan : CITP-IWG11/P4a & P4b

4.2.5 KPI Inisiatif P5 (*Enhance Availability Of Strategic Information Via National Construction Industry Information Centre - NCIIIC*)

- a) Sr. Mohd Zaid Zakaria selaku pemilik (Owner) bagi CITP-IWG12/P5a dan CITP-IWG13/P5b & P5c membentangkan status pencapaian KPI Inisiatif sehingga Q4 2017.

Tindakan : Makluman

4.2.6 KPI Inisiatif P6 (*Advance SME Bumiputera Capacity And Capability Building*)

- a) Sr. Azizah Mohd Yusof selaku pemilik (Owner) CITP-IWG14/P6 membentangkan status pencapaian KPI Inisiatif sehingga Q4 2017.

Tindakan : Makluman

- b) Dato' Massuan Ahamad selaku pengerusi IWG 14 memaklumkan bahawa kajian "Pembangunan Strategi Untuk Meningkatkan Penyertaan Bumiputera Dalam Rantaian Nilai Pembinaan" telah pun siap. Beberapa program akan dilaksanakan mengikut hasil penemuan kajian terutamanya dalam strategi pembangunan bumiputera. Pengurus program akan dilantik bagi memastikan program ini dapat diuruskan dengan sewajarnya.

Tindakan : Makluman

5.0 ISU-ISU DARIPADA MESYUARAT IWG

- 5.1 En. Ahmad Farrin Mokhtar selaku Pemilik (Owner) bagi CITP-IWG10/P3 memaklumkan agak sukar untuk mendapat kerjasama dari PBT dalam melaksanakan polisi IBS. Ahli mesyuarat bersetuju supaya pendekatan MPC berurusan dengan PBT dijadikan panduan.

Tindakan : CITP-IWG10/P3

6.0 CADANGAN TARIKH MESYUARAT

- 6.1 Mesyuarat bersetuju untuk mengadakan Mesyuarat CITP-TWG3/P Bil.5 pada 16 Mei 2017 dan jemputan rasmi akan dikeluarkan kepada semua Ahli Jawatankuasa CITP-TWG3/P.

Tindakan : Sekretariat TWG3/P

7.0 PENUTUP

- 7.1 Dato' Pengerusi menzahirkan penghargaan dan mengucapkan terima kasih kepada semua Ahli Jawatankuasa,. Mesyuarat bersurai pada jam 4:45 petang

Disediakan oleh;



RUZAIHAH ABDULLAH
Sekretariat CIP-TWG3/P

Tarikh :

Disemak oleh;



MEGAT KAMIL AZMI MEGAT RUS KAMARANI
Penaja Teras CIP-TWG/P

Tarikh :